

**Cofnodion Cyfarfod Fforwm Cyllid Ysgolion Ceredigion
a gynhaliwyd yn Ystafell Aeron Fach, Campws Felin-fach
ar ddydd Mawrth, 21 Hydref, 2014.**

Yn bresennol: y Cynghorydd Hag Harris (Cadeirydd).

Aelodau nad ydynt o ysgolion: Mr Eifion Evans, Mr Barry Rees.

Aelodau o Ysgolion:

Cynrychiolwyr Ysgolion Cynradd: Alwyn Ward, Donna Hanly (Penaethiaid), Lodwick Lloyd a Peter Wellington (Llywodraethwyr).

Cynrychiolwyr Ysgolion Uwchradd ac Ysgolion 3-16, 3-19: Jane Wyn (Pennaeth).

Swyddogion yn bresennol: Chris Macey (Pennaeth Gwasanaethau Ariannol), Kay Davies (Gwasanaethau Democraidd).

7.00 pm – 8.15 pm

1 Ymddiheuriadau

Ymddiheurodd y Cynghorydd Ellen ap Gwynn, Gwyn Jones, Chris Evans a Derrick Jones am iddynt fethu â bod yn bresennol yn y cyfarfod.

2 Datgelu Buddiant Personol

Ni ddatgelwyd unrhyw fuddiant personol.

3 Cofnodion Cyfarfod Blaenorol

CYTUNWYD cadarnhau cofnodion cyfarfod a gynhaliwyd ar 19 Mai 2014 yn rhai cywir.

4 Materion yn Codi o'r Cofnodion (19.05.14)

5. Fformiwla Arian 2014 – 15 – Hysbyswyd y cyfarfod gan Gyfarwyddwr Strategol Dysgu a Phartneriaethau nad yw'r newidiadau i'r Gymhareb Disgybl Athro, ar hyn o bryd, wedi ei gynnwys yn yr argymhellion ar gyfer arbed arian yn 2015-16.

5 Perfformiad Ariannol Gwasanaethau Dysgu 2014-15

Bu i Chris Macey, Pennaeth y Gwasanaethau Ariannol gyflwyno adroddiad ariannol ar gyfer chwarter 1 (hyd at ddiwedd Mehefin 2014) gan nodi fod yr adroddiad ar gyfer chwarter 2 yn dod at ei derfyn ar hyn o bryd. Nodwyd ers chwarter 1 y cafwyd effaith andwyol ar y Gyllideb am na chaewyd Ysgol Gynradd Dihewyd gan na fu'n bosib gwireddu'r arbedion a nodwyd petai'r ysgol wedi cau. Cyfeiriodd yr adroddiad hefyd at HCT a'r anawsterau sy'n parhau i achosi pryder. Mae'r contract cyfredol gyda HCT yn dod i ben ym mis Mawrth 2015 ac edrychir ar sut y gellir parhau â'r gwasanaeth anstatudol yma o fis Ebrill 2015 ymlaen.

Bwriedir mynd ag adroddiad i Bwyllgor Trosolwg a Chraffu Cymunedau sy'n Dysgu. Tynnwyd sylw at y gostyngiad yn yr incwm yn lefelu allan ar gyfer lleoliadau y tu allan i'r Sir am fod siroedd eraill sy'n wynebu her ariannol gyda chyllidebau llai yn anfon llai o ddisgyblion i'r Sir yma.

Nodwyd gan Chris Macey y caiff y modd y gosodwyd yr adroddiad ei newid yn y dyfodol er mwyn adlewyrchu'r newidiadau yn dilyn ailstrwythuro Gwasanaethau Dysgu i bedwar prif wasanaeth.

Mae rheoli'r gyllideb yn profi'n her gan fod y ddyled wedi dyblu yn y chwarter diwethaf. Caiff adroddiad ar hyn ei gyflwyno i'r Cabinet yn fuan.

CYTUNWYD nodi'r adroddiad.

6 Y diweddraf ar Grantiau Llywodraeth Cymru 2014-15

Cafwyd trosolwg o'r toriadau yn y gyllideb a oedd yn wynebu'r Cyngor ar gyfer blwyddyn 2015 - 16 gan Gyfarwyddwr Strategol Dysgu a Phartneriaethau oherwydd penderfyniad Llywodraeth Cymru i sybsideiddio'r gorwariant yn y Gwasanaeth Iechyd. Nodwyd fod grantiau ers hynny wedi eu huno i ffurfio tri grant - y grant Rhanbarthol, grant Awdurdod Lleol a'r grant amddifadedd disgyblion. Bydd hyn yn hwyluso'r broses archwilio gan fod yn seiliedig ar ganlyniadau nid gwariant. Fodd bynnag bydd toriadau o £100k ar gyfer eleni ac yna £200k am y flwyddyn nesaf yn cael effaith ar ysgolion ac y mae trafodaethau yn cymryd lle ar sut i leihau'r effaith yma gymaint â phosib. Edrychir ar hyn o bryd ar yr opsiwn o gael gostyngiad sylweddol yn y staff canolog er mwyn diogelu cyllidebau ysgol.

Fodd bynnag bydd y grantiau hyblyg yn golygu y gellir targedu mwy o adnoddau.

CYTUNWYD nodi'r wybodaeth a ddarparwyd.

7 Casglu Arian yn Electronig

Nodwyd fod y gost o gasglu arian cinio oddeutu £90k. Bwriedir cynnal peilot mewn ysgol benodol lle defnyddir system electronig i gasglu arian cinio. Os bydd yn realistig, gwneir penderfyniad ar weithredu'r system ar draws y Sir. Gellir defnyddio'r system i gasglu arian eraill fel tripiâu ysgol a theithiau eraill.

CYTUNWYD nodi'r wybodaeth a ddarparwyd.

8 Y diweddraf ar Gyllideb 2015-16

Bu i Gadeirydd a Chyfarwyddwr Strategol Dysgu a Phartneriaeth ddarparu gwybodaeth gefndir i doriadau o dros £9.5m yn y gyllideb y flwyddyn nesaf. Ymgysylltwyd â'r cyhoedd ar doriadau yn y gyllideb dros fisoedd yr haf ac yn dilyn hyn clustnodwyd £6.5m o arbedion ac ymgynghorwyd arnynt ar hyn o bryd. Bydd angen clustnodi £3m pellach cyn diwedd 2014.

Mae'n bosib y bydd arbedion o Wasanaethau Dysgu yn cynnwys arbedion o £1m yn dilyn gostyngiad mewn lleoliadau arlwyio ar draws y Sir a bydd o bosib angen i ysgolion â cheginau modern i wneud y gorau o'u cyfleusterau a pharatoi bwyd ar gyfer ysgolion eraill. Edrychir am arbedion pellach o £0.5m drwy godi tâl am gludiant ôl 16 oed a rhesymoli teithiau bysiau.

Nodwyd y gall gwybodaeth ar fanylion costau clybiau brecwast ysgolion eu darparu i ysgolion os bydd angen.

Dywedodd Cyfarwyddwr Strategol Dysgu a Phartneriaethau y comisiynwyd adolygiad i ddarpariaeth ysgolion yn ardal Aberystwyth ac y mae'n cynnwys briff i archwilio holl elfennau o ddysgu er mwyn cyflwyno argymhellion ar gyfer darpariaeth cwricwlwm effeithiol ar draws y Sir. Bydd unrhyw argymhellion wedyn yn cael eu cyflwyno i'r broses ddemocrataidd. Bydd hefyd angen ymrwymiad oddi wrth holl ysgolion o ran cyrsiau galwedigaethol a mynediad cyfartal i ddisgyblion.

CYTUNWYD nodi'r wybodaeth a ddarparwyd.

9 Unrhyw fater arall

Caiff dyddiad y cyfarfod nesaf ei ddsbarthu'n fuan.

Cadarnhawyd Cyfarfod y Fforwm ar xxxxxxxx2015.

Cadeirydd